

«Рухани жаңғыру» бағдарламасын іске асыру шеңберінде «Менің сүйікті қалам Кеше және Бүгін!» республикалық интернет-байқауды қашықтықтан өткізу ережесі

1. Жалпы ережелер

1. «Рухани жаңғыру» бағдарламасын іске асыру шеңберінде «Менің сүйікті қалам Кеше және Бүгін!» республикалық интернет-байқауды жалпы орта, қосымша, техникалық және кәсіптік білім беру ұйымдарының білім алушылары арасында ұйымдастыру және қашықтықтан өткізу ережелері (бұдан әрі – Байқау) байқауды өткізудің мақсатын, міндеттерін және тәртібін анықтайды.

2. Байқаудың мақсаты: қаланың тарихын зерттеуде шығармашылық тәсілді белсендіру, патриоттық сезімді тәрбиелеу, туған қалаға деген сүйіспеншілікті тәрбиелеу, тарихи-мәдени мұраны насихаттау.

3. Міндеттері:

1) мұғалімдерді, ата-аналарды және балаларды бірлескен шығармашылық іс-әрекетке тарту;

2) ғылыми-зерттеу дағдыларын игеру;

3) қаланың оң имиджін қалыптастыру (ауылдың);

4) дарынды балалар мен жасөспірімдерді анықтау және қолдау.

4. Байқауды Қазақстан Республикасы Білім және ғылым министрлігінің Республикалық қосымша білім беру оқу-әдістемелік орталығы өткізеді.

5. Байқаудың ұйымдастырушылары ұйымдастыру комитеті мен әділқазылар алқасының құрамын қалыптастырады. Құралған әділқазылар алқасы Байқау Ережесінің анықталған мәліметтерімен танысады және критерийлерге сәйкес нұсқаулықтан өтеді, жобаларды бағалайды.

2. Байқауды өткізу мерзімі және тәртібі

6. Интернет-байқау **2018 жылғы 11 қаңтар - 13 наурыз аралығында** балаларға арналған www.ziyatker.org ғылыми-танымдық сайтында қашықтықтан өткізіледі. Байқау жұмыстары **2018 жылғы 6 наурызға дейін қабылданады**. 2018 жылғы 6 наурыздан кейін түскен, сондай-ақ, талаптарға сәйкес келмейтін Байқау материалдары қарастырылмайды.

7. Байқауға қатысу үшін **gorod.18@bk.ru** электронды поштасына келесі құжаттарды жіберу қажет:

1) төменде берілген үлгіге сәйкес өтінімді;

Қатысушының аты-жөні	Жасы	Облыс	Қала, ауыл	Номинация, жұмыстың аты	Білім беру ұйымының атауы, сыныбы, курсы	Жетекшінің толық аты-жөні	Байланыс телефондары

2) сканерден өткізілген төлемақы құжатын (түбіртек немесе төлем тапсырмасы);

3) байқау жұмысын.

Анықтама телефондары: 8 (7172) 72 98 99 «Менің сүйікті қалам Кеше және Бүгін!» байқауы).

8. Байқауға келіп түскен жұмыстар қайтарылмайды. Байқау ұйымдастырушылары байқау материалдарының авторын көрсете отырып, оны БАҚ-та жариялауға құқылы.

9. Байқауға қатысу үшін 1500 (бір мың бес жүз) теңге төлемақы төленеді.

Төлемақы барлық банк немесе Қазпошта бөлімшелерінде келесі реквизиттер арқылы жүргізіледі.

Қазақстан Республикасы Білім және ғылым министрлігінің «Республикалық қосымша білім беру оқу-әдістемелік орталығы» РМҚК (резидент).

БСН 990140004733

ЖСК KZ918560000005068448

БСК КСJBKZKX

КНП 859

Кбе 16

БанкЦентрКредит АҚ, Астана қ.

Төлемақы аталуы: «Менің сүйікті қалам Кеше және Бүгін!» байқауы.

10. Байқаудың қорытындысы және жеңімпаздар тізімі **2018 жылғы 13 наурызда** www.ziyatker.org сайтында жарияланады.

3. Байқауға қатысушыларға қойылатын талаптар.

11. Ұсынылған жұмыстар Байқаудың тақырыбы мен номинацияларына сәйкес болуы шарт.

12. Байқауға 7-18 жас аралығындағы жалпы орта, қосымша, техникалық және кәсіптік білім беру ұйымдары білім алушылары, келесі жас санаттарында қатыса алады:

- 1) 7-9 жастағы кіші санат;
- 2) 10-14 жастағы орташа санат;
- 3) 15-18 жастағы ересек санаты.

13. Байқау келесі номинациялар бойынша өткізіледі:

1. Ой толғау-шығарма байқауы:

- ✓ «Менің сүйікті қалам...»;
- ✓ «Туған аулым... Туған өлкем...»;
- ✓ «Таңқалдырған Арман қала!».

Ұсынылған номинацияда:

- қалаға деген көзқарас, қала дамуы бойынша армандар, қаланың (ауылдың) тарихы және қаланың қалыптасуына үлес қосқан батырлар жайлы;

- жергілікті көрікті жерлердің және ескі үйлері бар көшелердің тарихы, сонымен қатар ежелгі заманнан бүгінгі күнге дейін осы өңірдегі адамдар өмірінің ерекшеліктері жайлы;

- қазіргі уақытта өмір сүріп жатқан немесе барып келген елді мекеннің бірегейлігі және ерекшелігі жайлы автордың пікірі көрсетілген өзіндік жұмыс

болуы тиіс.

Шығарма (Times New Roman - шрифтіңде, А4 форматында, 14 шрифт өлшемі, жол: сол жағынан -3 см, оң жағынан -1,5 см, аралық интервалы –1 (жалаң) басылған түрде болуы керек. Мәтінде жалпы қабылданған қысқартулардан басқа атаулар, аттар қысқартылмауы тиіс. Ұсынылған жұмыстың көлемі 3 баспа беттен аспауы тиіс.

Жұмыстың алғашқы бетінде Байқау аты, шығарма тақырыбы, Байқау қатысушысы туралы мәліметтер: автордың және жұмыс жетекшісінің (толық) аты, жөні, тегі, жасы, білім беру ұйымы, облыс, аудан (қала), ауыл аты, e-mail, ұялы телефоны көрсетілуі қажет.

2. Зерттеу жұмысы байқауы:

- ✓ *«Қаланың қалыптасу тарихы», «Қаламның тарихтағы орны»;*
- ✓ *«Қаламның сәулеті»;*
- ✓ *«Қала тарихы фотосуреттер арқылы» (сипаттамасымен);*
- ✓ *«Көшелер тарихы».*

Ұсынылған номинацияда әртүрлі зерттеудің: бұқаралық ақпарат құралдарындағы мақалаларға талдау жасау, сауалнама жүргізу, сұрау, сұхбаттасу дағдыларын пайдалану, сонымен қатар бейне, фотоматериалдар және әдебиетпен жұмыс түрлері қолданылады.

Жұмыстар компьютерлік терімнің негізгі талаптарына сәйкес А4 форматында, 14 шрифтпен, жоларалық интервалы –бір жол болуы қажет. Ұсынылған электронды материалдың (қосымшасыз) көлемі 5 баспа беттен аспауы тиіс. Қосымша көлемін 1 Мб-тан асырмау керек. Жұмыс атауын, байқауға қатысушының Т.А.Ж.; жасы, білім беру ұйымы, e-mail, ұялы телефоны, облыс, аудан (қала), ауыл атын көрсету қажет.

3.Бейнероликтер байқауы:

- ✓ *«Мен сізді өз қалам бойынша экскурсияға шақырамын!» (ауыл, аудан);*
- ✓ *«Қаланың өркендеуіне айтылған ерекше тілектер!» (ауыл, аудан).*

Бейнероликті бейнеанимациялық, қойылымдық ойын бейнефильмі ретінде орындауға, телефон немесе бейнекамераға түсірілген, кез келген бейне редакторда өңдеуге болады.

Қабылданатын форматтар: MPEG4, AVI. Байқау жұмысының ұзақтығы 5 минуттан аспауы тиіс.

Бейнесюжет басында жұмыс атауы, автордың аты-жөні, тегі, жасы, жетекшінің толық аты-жөні, білім беру ұйымы, облыс, аудан (қала), ауыл атаулары, e-mail, ұялы телефоны көрсетілуі қажет.

4.Суреттер байқауы:

- ✓ *«Ұлы дала - туған өлкем!»;*
- ✓ *«Қаладағы сүйікті орыным!»;*
- ✓ *«Арман қала!».*

Суреттерді кез келген техникада (қарындаш, түрлі-түсті қарындаш, пастель, тушь, акварель, гуашь, майлы бояу және т.б.) орындауға болады. Жұмыстың форматы –А4. Титул парағында: қатысушының аты-жөні, жасы, жұмыстың аты; номинация атауы; жетекшінің аты-жөні, тегі; білім беру ұйымының аты, облыс, аудан (қала) ауыл, e-mail, ұялы телефоны көрсетілуі

тиіс. Байқауға суреттің фотосы электронды нысанда жолданады.

14. Байқауға ұсынылған жұмыстарды бағалау критерийлері:

- мәтіннің сауаттылығы және рәсімдеудегі сауаттылық пен ұқыптылық;
- байқау жұмыстарының тақырыптарының мазмұнына сай болуы және тақырыпты толық ашуы;

- шығарма тақырыбына авторлық қарым-қатынас;

- материалды ұсынуда шығармашылық тәсілді қолдану;

- көркемдік шеберлігі (суретті орындау техникасы мен сапасы);

- композициялық және түстік шешімі;

- сандық өңдеу сапасы;

- техникалық талаптарға сәйкестігі.

15. Байқауға қатысу үшін бір қатысушыдан бір номинация бойынша бір жұмыс қабылданады. Әр номинацияға бір қатысушыдан бір жұмыс қана қабылданады. Төлем әр номинацияға жеке жұмыс ретінде жүзеге асырылады. Ұжымдық жұмыстар қабылданбайды.

16. Бөгде адамның материалдары мен Ғаламтор желісіндегі материалдарды пайдалануға тыйым салынады. Байқау жұмыстары бұрын ешқандай сайтта жарияланбаған болуы тиіс.

4. Байқаудың қорытындысын шығару және жеңімпаздарды марапаттау

17. Байқаудың қорытындысы бойынша Әділ қазылар алқасының мүшелері жеңімпаздарды анықтайды.

18. Байқау жеңімпаздары I, II, III дәрежедегі дипломдармен, байқау жеңімпаздарының жетекшілері алғыс хаттармен марапатталады, орынға ілікпеген қатысушыларға сертификаттар беріледі.

Байқау жеңімпаздарына дипломдардың, олардың жетекшілеріне алғыс хаттардың және қатысушыларға сертификаттардың электронды нұсқалары www.ziyatker.org сайтында мына сілтеме <http://www.rumsdokz.org/25> → «**Менің сүйікті қалам Кеше және Бүгін!**» байқауы → әрі қарай сайт бойынша автоматты парақшаларында орналастырылады.